



# SLUŽBENE NOVINE

## KANTONA SARAJEVO

Godina XXVII - Broj 25

Četvrtak, 23. 6. 2022. godine  
SARAJEVO

ISSN 1512-7052

### KANTON SARAJEVO

#### Vlada Kantona Sarajevo

Na osnovu člana 26., 28. stav (1) i 31. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Kantona Sarajevo, na 82. sjednici održanoj 09.06.2022. godine, donijela je

#### UREDBU O OSNIVANJU UREDA ZA DIJASPORU

##### Član 1. (Predmet)

Ovom uredbom osniva se i utvrđuje djelokrug rada i nadležnosti Ureda Vlade Kantona Sarajevo za dijasporu (u daljnjem tekstu: Ured), kao stručne službe Vlade Kantona Sarajevo (u daljnjem tekstu: Vlada), uređuje rukovođenje Uredom, kao i druga pitanja od značaja za organizovanje i funkcionisanje Ureda.

##### Član 2. (Djelokrug rada i nadležnosti)

U cilju jačanja saradnje u oblasti obrazovanja, nauke, kulture, sporta i privrede, Ured u saradnji sa resornim ministarstvima, univerzitetima i drugim nadležnim organima i institucijama u Kantonu Sarajevo i jedinicama lokalne samouprave vrši stručne i administrativno-tehničke poslove koji se odnose na:

- povezivanje institucija, organizacija i pojedinaca iz oblasti obrazovanja, nauke, kulture i sporta iz Kantona Sarajevo sa institucijama, organizacijama i pojedincima iz dijasporu u cilju podsticanja njihove saradnje;
- povezivanje ljudskih, profesionalnih, naučnih, kulturnih i stručnih potencijala Kantona Sarajevo i dijasporu;
- kreiranje i podsticanje programa jačanja obrazovne, naučne, kulturne i sportske saradnje sa dijasporom;
- angažovanje na osmišljavanju i realizaciji projekata učešća i saradnje mladih, razmjene učenika i studenata, kao i naučnih i stručnih kadrova između Kantona

Sarajevo i države u kojoj dijaspora živi (u daljem tekstu: zemlja prijema);

- podsticanje upisa i studiranja dijasporu pod jednakim uslovima koji važe za studente iz Kantona Sarajevo, a u skladu sa zakonom kojim se uređuje visoko obrazovanje i statutima ustanova visokog obrazovanja;
- razvijanje mogućnosti, odnosno osnivanje fonda za stipendiranje učenika iz dijasporu;
- uspostava održive aktivnosti na redovnim posjetama edukacionog karaktera mladih iz dijasporu u Kanton Sarajevo, kroz organizaciju uzajamnih projekata, ljetnih škola i druženja mladih dijasporu i Kantona Sarajevo;
- informisanje dijasporu o mogućnostima i uslovima za zapošljavanje u Kantonu Sarajevo;
- podsticanje povezivanja privrednika i udruženja privrednika iz zemalja prijema sa privrednim subjektima u Kantonu Sarajevo;
- analiza strategije i politike privrednog razvoja Kantona Sarajevo i iniciranje uključivanja potencijala, potreba i interesa dijasporu u te strategije i politike;
- iniciranje osnivanja namjenskih finansijskih fondova ili fondacija u saradnji sa dijasporom;
- podržavanje rada inovatora i inovacija iz Kantona Sarajevo i dijasporu;
- podsticanje učešća dijasporu u promociji turističkog potencijala Kantona Sarajevo;
- aktivnosti na uspostavljanju i održavanju Međunarodne mreže dijasporu i socijalne interakcije, kroz uspostavljanje portala i platformi za saradnju;
- podsticanje i pojednostavljenje procesa povratka dijasporu u Bosnu i Hercegovinu;
- pružanje administrativne i tehničke pomoći, usluga i davanje informacija o različitim procedurama vezanim za administraciju u raznim segmentima života i pružanje informacija potrebnih za ostvarivanje prava dijasporu u Kantonu Sarajevo;
- prikupljanje, obrada, analiza i objavljivanje statističkih podataka u vezi utvrđivanja tačnih podataka o broju građana Bosne i Hercegovine u dijaspori, u posjedu identiteta i nivoa integracije i asimilacije;

- s) saradnja i koordinacija sa organima i institucijama Bosne i Hercegovine, institucijama Federacije Bosne i Hercegovine i jedinicama lokalne samouprave u vezi sa svim pitanjima propisanim ovom uredbom.

## Član 3.

(Registar udruženja i organizacija dijaspore)

Ured uspostavlja i vodi Registar udruženja i organizacija dijaspore koji obuhvata sljedeće podatke udruženja i organizacija bosanskohercegovačke dijaspore:

- a) naziv,
- b) adresa,
- c) kontakt podaci (e-mail i telefon),
- d) opis aktivnosti udruženja i organizacija radi kvalitetnijeg umrežavanja institucija, udruženja i organizacija iz Kantona Sarajevo i dijaspore.

## Član 4.

(Rukovođenje)

- (1) Uredom rukovodi šef Ureda, kojeg imenuje Vlada u skladu sa zakonom koji se odnosi na imenovanje državnih službenika.
- (2) Šef Ureda ima status rukovodioca Ureda, kao stručne službe koju obrazuje Vlada, a u smislu člana 10. stav (1) tačka a) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19) (u daljem tekstu: Zakon).
- (3) Šef Ureda za svoj rad odgovara Vladi.
- (4) U slučaju spriječenosti ili odsutnosti šefa Ureda, u poslovima rukovođenja Uredom zamjenjuje ga državni službenik kojeg on odredi.

## Član 5.

(Unutrašnja organizacija)

- (1) Unutrašnja organizacija Ureda utvrđuje se Pravilnikom o unutrašnjoj organizaciji, u skladu sa Zakonom i drugim podzakonskim propisima koji uređuju ovu oblast.
- (2) Pravilnik o unutrašnjoj organizaciji Ureda donosi šef Ureda, uz saglasnost Vlade.
- (3) U roku od 60 dana od imenovanja šefa Ureda, šef Ureda je dužan donijeti pravilnik iz stava (2) ovog člana.

## Član 6.

(Sredstva za rad)

Sredstva potrebna za rad Ureda obezbjeđuju se u Budžetu Kantona Sarajevo.

## Član 7.

(Rodna neutralnost izraza)

Izrazi koji se koriste u ovoj uredbi, a imaju rodno značenje koriste se neutralno i odnose se jednako na muški i ženski rod.

## Član 8.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-23327-5/22

09. juna 2022. godine  
Sarajevo

Premijer  
**Edin Forto**, s. r.



# SLUŽBENE NOVINE

## KANTONA SARAJEVO

Godina XXX - Broj 40

Četvrtak, 9. 10. 2025. godine  
SARAJEVO

ISSN 1512-7052

### KANTON SARAJEVO

#### Vlada Kantona Sarajevo

Na osnovu člana 26., 28. stav (1) i 31. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Kantona Sarajevo, na 124. vanrednoj sjednici održanoj 26.09.2025. godine, donijela je

#### UREDBU

#### O DOPUNI UREDBE O OSNIVANJU UREDA ZA DIJASPORU

##### Član 1.

(Dopuna člana 6.)

U Uredbi o osnivanju Ureda za dijasporu ("Službene novine Kantona Sarajevo", broj 25/22), u članu 6. iza stava (1) dodaje se novi stav (2) koji glasi:

"(2) Ured ima svojstvo pravnog lica."

##### Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-47358-1/25

26. septembra 2025. godine

Sarajevo

Premijer

**Nihad Uk**, s. r.